

**JUPP HEYNCKES** (Athleticeko entrenatzailea)**MALLORCAREN AURKAKO PARTIDA**

«Beharbada gogorregi erreakzionatu nuen, baina ez ditut gauzak gordetzen. Horrela ez dugu ezer lortuko»

GUERREROREKIN POZIK

«Nahiz eta aukera gutxi sortu Julenek ondo bete zuen bere eginbeharra. Hala ere, oraindik hobetu egin behar du»

TALENTU HANDIKO GAZTEAK

«Yeste, Del Horno, Cuellar eta Tiko onak dira erasoan, baina futbolak egun defentsako lana ere eskatzen du»

REALA. Fede gehiagoz aritzeaz gain, fisikoki hobeto jokatu behar dutela uste du entrenatzaileak

Bere gain hartu du Toshackek igandekoaren erantzukizuna

Entrenatzaile galestarrak ez ditu garbi taldeak gaizki jokatu izanaren arrazoiak

Jon Balenziaga | **DONOSTIA**

John Toshackek beregain hartu du igandeko porrotaren ardura. «Taldea bat futbol zelaian bere entrenatzailearen isla da, eta Alavesek igandean ez zuen aurkaririk izan. Kritikak onartu egiten ditut, ez dago aitzakiarik. Klubeko akzionistek taldeari gehiago eskatzeko eskubidea dute. Halakoetan, zaparrada jasatea baino ez da geratzen» esan zuen atzo eskaintako prentsurrekoan.

Realeko managerrak, autoestimua minduta du. Orain, ordea, gaizki egindakoak onartu eta zuzentzeko garaia dela dio. Hala ere, taldeak gaizki jokatu izanaren zergatiak ez ditu oso garbi. «Arrazoiak asko izan litezke. Beharbada garrantzitsuena da, partida aurreko bi asteetan titular izan ziren lau jokalarirekin soilik entrenatu genuela, besteak, selekzioekin baitzeuden. Fisikoki ez gaude ongi, datozen hiru asteetan osatu eta bilduago jokatu

ESANAK**JOHN TOSHACK**

(Realeko entrenatzailea)

«Halakoetan, kritiken zaparrada jasatea baino ez da geratzen»

«Fisikoki ez gaude ongi, datozen hiru asteetan osatu eta bilduago jokatu behar dugu»

«Harrobitik atera diren jokalarien artean ikusminik handiena sortu duena da Alonso»

behar dugu» aitortu zuen. Konfiantza falta ere sumatzen du, eta baita Xabi Alonsoren beharra ere. Azken honi, laudorioak eskaini zizkion. «Harrobitik atera diren jokalarien artean



MIREN SAEZ

John Toshack aurreko partidua batean, aulkiaren ondoan.

ikusminik handiena sortu duena da» esan zuen.

Hamaikakoan aldaketak

Toshackek ez du joko sistema aldatuko Celtaren aurka Sadarren jokatzeko. Hamaikakoan, ordea, zenbait aldaketa egingo dituela aitortu du. Atzo ikusita koaren arabera baliteke ondorengo bederatzi jokalaria toki izatea hamaikakoan: Alberto; Kvarme, Luiz Alberto,

Loren, Lopez Rekarte; Tayfun, Idiakez; Aranburu, Aranzabal. Falta diren bi jokalaria Khokhlov eta De Paula izan litezke, Jankauskas min hartuta dagoelako. Kvarme eskuin lateral gisa ariko da seguruenik eta Rekarte, aldiz, ezkerretik. Zelaierdian, litekeena da De Pedoren tokia Aranzabalek hartzea, eskuinetik Aranburuk jokatzeko, eta euskarri postuan Idiakezen batera Tayfun aritzea.

ZIGORRAK. Lehiaketa Batzordeak ez ditu onartu Osasunak Sabinoren alde aurkeztu helegiteak

Sabinok hiru partidako zigorra bete beharko du Pino Zamorano epailea iraintzeagatik

Erredakzioa | **IRUÑA**

Lehiaketa Batzordeak ez du errukirik izan Osasunako jokari Sabino Sanchezekin, eta hiru partidako zigorra jarri dio. Partidu bat aurreko jardunaldian ikusi bi txartel horientatik, eta bi partida Alfonso Pino Zamorano epailea iraintzeagatik. Epailearen idatziak dienez, Sabinok iraindu egin zuen bigarren txartel horia atera zionean.



JOXE LACALLE

Sabino, Real Madrilaren aurkako partidua batean.

Jokalaria ukatu egin du, eta Osasunak bere aldeko helegitea aurkeztu zuen, baina Lehiaketa Batzordeak epaileari eman dio arrazoia. Lehiaketa Batzordea Espainiako Futbol Federazioko araudiko 137.c. artikuluan oinarritu da Sabinoren zigorra zehazteko.

Bestalde, aurreko jardunaldian txartel hori ikusi zuten euskal taldeetako beste jokalariei ez zaie zigorra barkatu: Osasunako Puñal, Montenegro eta Tiko; Realeko Iñigo Idiakez; eta Athleticeko Julen Guerrero eta Felipe Gurendez.

ALAVES

Dan Eggenen belauna sendatze bidean dago, eta lasterka hasi da jada

Jon Rejado | **GASTEIZ**

Inori ezer esan gabe hasi zen atzo bertan Dan Eggen joan den denboralditik minduta zeukan belauna sendatzeko azken txanpan. Hainbat hilabete zelaia zapaldu gabe egon ondoren lasterketa lasaia egin zuen atzokoan, ezker belauak nola erantzuten zion ikusteko. «Ea ez den handitzen, eta dena behar bezala gertatzen den», aipatu zuen Norvegiako atzelariak.

Joan den denboraldia bukatzeaz zegoela Alavesen eta Real Madrilaren kontrako neurketan gertatu zen ezbeharrak. Vicente del Bosqueren taldeko lehen gola ate barrutik atera asmoz bota zen Eggen, eta zutoinaren kontra apurtu zuen belauna. Orduan aurtengo liga hasiera jokatzeko prest egon zitekeela aurreratu zen arren, epea gehiegi ez arintzea erabaki zuten sendagileek, eta orain arte zelaietatik urrun ibili da.

Dan Eggenen ustez bere lesioa gero eta hobeto sendatuz joan da, eta pozik agertu zen hedabideen aurrean egindako agerraldian. «Baikorra naiz, eta espero dut, nire taldekideekin ahalik eta lasterren entrenatzen hastea», aipatu zuen. Oraindik ez da zehaztu noiz egon daitekeen guztiz sendatuta, baina epeak ez direla moztuko aurreratu zuen, ez duelako nahi ezustekorik orain.

Hala ere, taldera itzultzen denean zaila izango du hamaikakoan sartzea, Coloccinik zein Tellezek maila ona erakutsi baitute Mendizorrotzako taldearen atzeko lerroan. Dena den, taldearen sasoi onak poztzen du Norvegiako atzelaria, eta sasoi horretan luze irautea espero du, Alavesen helburuak bete ahal izateko.